

Statut da la Conferenza da las organisaziuns chantunalas da dretg canonic en l'uestgieu da Cuira (Conferenza da Biberbrugg)

dals 8 da zercladur 2000

Art. 1 Intent

La Conferenza da las organisaziuns chantunalas da dretg canonic en l'uestgieu da Cuira, numnada en il sequent tenor il lieu da fundaziun "Conferenza da Biberbrugg", ha las suandantas incumbensas:

1. orientar vicendaivlamain davart ils fatgs che concernan il territori da la diocesa da Cuira sco era davart auters fatgs;
2. dar recumandaziuns surtut davart dumondas che concernan il territori da la diocesa da Cuira u ulteriurs aspects;
3. promover la chapientscha vicendaivla e la collavuraziun tranter las instanzas ed instituziuns diocesanas e da dretg canonic en l'uestgieu da Cuira;
4. realisar activitads che sustegnan l'adempliment da las incumbensas numnadas sura.

Art. 2 Convocaziun

1. La Conferenza da Biberbrugg sa raduna mintg'onn almain ina giada.
2. Ella vegn convocada dal president en il turnus usità ubain sin dumonda d'almain trais commembers.

Art. 3 President, actuar

1. Il president vegn elegì per dus onns.
2. Il president nominescha l'actuar.

Art. 4 Dretg da votar

1. Mintga organisaziun chantunala da dretg canonic po nominar dus delegads che han il dretg da votar autonomamain.
2. Il president votescha era; en cas da paritad da las vuschs dat el la vusch da tagl.

Art. 5 Disposiziuns finanzialas

La Conferenza da Biberbrugg na dastga surpigliar naginas obligaziuns finanzialas.

Art. 6 Adesiun

L'adesiun a la Conferenza da Biberbrugg sto vegnir communitgada al president. Ella basegna in conclus formal da l'organisaziun chantunala da dretg canonic correspudenta.

Art. 7 Extrada

1. L'extrada da la Conferenza da Biberbrugg sto vegnir communitgada al president. Ella basegna in conclus formal da l'organisaziun chantunala da dretg canonic correspudenta.
2. L'extrada va en vigor suenter che la Conferenza da Biberbrugg ha preni enconuschientscha da quella.

Art. 8 Revisiun dal statut; dissoluziun da la Conferenza da Biberbrugg

1. Revisiuns dal statut van en vigor, sch'ellas èn vegnidas approvadas da tschintg organisaziuns chantunalas da dretg canonic.
2. La dissoluziun da la conferenza sto medemamain vegnir approvada da tschintg organisaziuns chantunalas da dretg canonic.

Art. 9 Disposiziun transitoria

Questa revisiun remplazza il statut dals 10 da zercladur 1991 resp. dals 23 da november 1992.

Glaruna, ils 8 da zercladur 2000

Il president:
R. Bossi

L'actuar:
K. Scherrer